

87 წელი თქვენთან ერთად!

87 წლის წინ, 1933 წლის 2 აპრილს გამოვიდა გაზეთების „თერჯოლის“, „წინსვლის“ და „საკოლმეურნეო სოფლის“ წინამორბედის, გაზეთ „ჩხარის კოლმეურნის“ პირველი ნომერი. გამოცემის 88-ე წელი.



„არს მთის კალთას, სკანდას, სასახლე მეფეთა და ციხე დიდი, დიდშენი“
ვახუშტი ბაბრათიონი

თერჯოლა

საზოგადოებრივი გაზეთი • გამოდის 1933 წლიდან • №13 {7018} 1 ივლისი 2020 წელი • www.Terjola.gov.ge

საკონსტიტუციო ცვლილება მიღებულია!



საქართველოს პარლამენტმა მესამე, საბოლოო მოსმენით მიიღო კონსტიტუციური კანონპროექტი, რომელიც ცვლის პარლამენტის არჩევის წესს.

პარლამენტის რიგგარეშე სესიის 29 ივნისის სხდომაზე ცვლილებებს ხმა მისცა 117-მა დეპუტატმა. 3 წინააღმდეგი იყო - „ქართული ოცნების“ უმრავლესობის ყოფილი წევრები, უფრაქციო დეპუტატები ბიძინა გეგეიძე და ალექსანდრე ერქვანია და დმანისი-წალკის მაჟორიტარი დეპუტატი კახა ოქრიაშვილი, რომელიც ფრაქციის „ქართული ოცნება - რეგიონების განვითარებისთვის“ თავმჯდომარეა.

კონსტიტუციური კანონპროექტის მიღებას სჭირდებოდა სულ მცირე 113 დეპუტატის მხარდაჭერა.

„ქართული ოცნების“ უმრავლესობის გარდა, საკონსტიტუციო ცვლილებებს მხარი დაუჭირეს „დამოუკიდებელი დეპუტატების“ და „პატრიოტთა ალიანსი და სოციალ-დემოკრატების“ ფრაქციების წევრებმა და უფრაქციო დეპუტატების ნაწილმა.

სხდომას არ დაესწრნენ და კენჭისყრაში მონაწილეობა არ მიიღეს „ნაციონალური მოძრაობის“ და „ევროპული საქართველოს“ დეპუტატებმა. ისინი საარჩევნო საკითხებზე „ქართულ ოცნებასთან“ 8 მარტს მიღწეული შეთანხმების ნაწილად აცხადებენ „პოლიტპატიმარ გიორგი რურუას“ გათავისუფლებას და მის შესრულებას ასახელებდნენ საკონსტიტუციო ცვლილებების მხარდაჭერის პირობად.

საკონსტიტუციო ცვლილებები „ქართული ოცნების“ უმრავლესობამ მოამზადა ოპოზიციურ პარტიებთან 8 მარტს მიღწეული შეთანხმების საფუძველზე. მხარეთა მოლაპარაკების პროცესში ამერიკელი და ევროპელი დიპლომატები მონაწილეობდნენ.

ცვლილებების თანახმად, პარლამენტში პროპორციული სისტემით აირჩევა 77-ის ნაცვლად 120 დეპუტატი და მაჟორიტარულით 73-ის ნაცვლად—30. პროპორციული არჩევნები ჩატარდება 1%-იანი ბარიერით და გაჩნდება ე.წ. ჩამკეტი

იმისათვის, რომ გამოირიცხოს 40%-ზე ნაკლები მხარდაჭერის მქონე პოლიტიკური პარტიის ან საარჩევნო ბლოკის მიერ საპარლამენტო უმრავლესობის მოპოვება და მთავრობის დამოუკიდებლად ფორმირება.

ეს საარჩევნო სისტემა 2024 წლამდე იმოქმედებს, რადგან საქართველოს კონსტიტუციით, 2024 წლიდან საპარლამენტო არჩევნები მთლიანად პროპორციული სისტემით ჩატარდება.

საკონსტიტუციო ცვლილებები ძალაში შევა მას შემდეგ, რაც პარლამენტის მიერ მიღებულ კანონპროექტს ხელს მოაწერს საქართველოს პრეზიდენტი.

21 ივნისს, პირველი მოსმენის დროს, საკონსტიტუციო ცვლილებებს მხარი დაუჭირა 136-მა დეპუტატმა. მათ შორის იყვნენ ოპოზიციური „ევროპული საქართველოს“ წევრებიც, თუმცა, პარტიამ მაშინვე განაცხადა, რომ რურუას გათავისუფლების გარეშე, მომდევნო ორ კენჭისყრაში მონაწილეობას აღარ მიიღებდა.

იარაღის უკანონოდ შექენა-შენახვა-ტარებაში ბრალდებული გიორგი რურუას წინასწარ პატიმრობაში დატოვების გამო, 23 ივნისს, „ევროპულმა საქართველომ“ მონაწილეობა აღარ მიიღო ცვლილებების მეორე მოსმენით კენჭისყრაში. მეორე მოსმენით მიღებისას კონსტიტუციურ კანონპროექტს 115 მხარდამჭერი ჰყავდა.

ახლა ჯერი საარჩევნო კოდექსში შესაბამისად შესატან ცვლილებებზეა.

პასუხისმგებლობა და შესრულების ეფექტურობა რომ უფრო მაღალი იყოს...

წლების განმავლობაში, სხვადასხვა დროს, „თერჯოლა“ არაერთგზის წერდა ოპერატიული თათბირების იმ მნიშვნელობაზე, რაც მათ, როგორც ერთ-ერთ სერიოზულ მექანიზმს აკისრია მოსახლეობაში, კონკრეტულ დარგებში თუ ობიექტებზე, საჯარო სამსახურების და საერთოდ, ნებისმიერი მმართველი რგოლის თუ სტრუქტურული ერთეულის მიერ ადგილებზე რეალურად არსებული ვითარების ფლობის თვალსაზრისით, რაც დავალებების სწორად გაცემის და შემდგომში მათ შესრულებაზე ეფექტური კონტროლის შემთხვევაში ბევრად ხელშეწყობს შედეგს იძლევა.

ინფრასტრუქტურული პროექტების განხორციელება გადამწყვეტ ეტაპზეა!

მიმდინარე წლის 6 თვე მიილია. ეს წლის დასაწყისიდან საკმაოდ დროა იმისათვის, რომ თერჯოლის მუნიციპალიტეტის თვითმმართველ რგოლებს ყოველგვარი ორგანიზაციული თუ სხვა სახის ღონისძიებები განხორციელებინათ 200-ზე მეტი დიდი და მცირე სხვადასხვა ინფრასტრუქტურული პროექტის შესასრულებლად არა მარტო მყარი ფუნდამენტის ჩაყრის, არამედ მათი საბოლოოდ დასრულებისათვის.

განვლილი პერიოდის მანძილზე „თერჯოლა“ მკითხველს სისტემატურად აწვდიდა ინფორმაციებს ამ მიმართულებით მიმდინარე საქმიანობაზე.

„სამშობლო უპირველეს ყოვლისა“!



ივლისი

- 7—შობა წმ. იოანე ნათლისმცემლისა
- 12—პეტრე-პავლოზა
- 13—სვეტიცხოველოზა
- 15—ვლადიმეროზა
- 28—კვირიკოზა და ივლიტოზა



პასუხისმგებლობა და შესრულების ეფექტურობა რომ უფრო მაღალი იყოს...



ამჯერად, მუნიციპალიტეტის მერთან მოქმედ სათათბირო სისტემაში, მიმდინარე წლის ივლისის თვიდან შესატან იმ ცვლილებას გადაცნობთ, რომელიც მუნიციპალიტეტის მერის მოვალეობის შემსრულებლის, ლაშა გოგიაშვილის დავალებით მომზადდა. ამ ცვლილებების საფუძველი, როგორც მერიაში განაცხადეს, სისტემის ერთმანეთს, კერძოდ კი მუნიციპალიტეტის მერთან მოქმედმა გაფართოებულმა თათბირმა მოითხოვა, რომელიც ყოველ თვეში ორჯერ ტარდებოდა და მან ურთიერთინფორმირების, აზრთა გაცვლის, დავალებების ოპერატიულად გაცემის და შესრულება-შემოწმების თვალსაზრისით დღემდე იმუშავა და თავისი ფუნქცია უკვე ამოწურა.

ახალ კორონავირუსულ რეჟიმში ცხოვრების რეალობამ ახალი გამოწვევები მოგვიტანა და შექმნა ახალი მოცემულობა.

ახალი თათბირების სტრუქტურა ასეთია:

1. თვის პირველი ორშაბათი
ესწრებიან მუნიციპალიტეტის მერის წარმომადგენლები ადმინისტრაციული ერთეულებიდან.

მათთან ერთად თათბირს ესწრებიან სამსახურების და განყოფილებების ხელმძღვანელები, რომლებიც დაკავშირებული იქნებიან თათბირის დღის წესრიგთან.

2. თვის მეორე ორშაბათი

ესწრებიან ა(ა) იბების ხელმძღვანელები.

მათთან ერთად თათბირს ესწრებიან მერის ის თანამშრომლები, ვინც უკავშირდება ა(ა) იბებთან განსახილველი საკითხების დღის წესრიგს.

3. თვის მესამე ორშაბათი

ესწრებიან მერის ეკონომიკური ბლოკის ხელმძღვანელები

4. თვის მეოთხე ორშაბათი

ესწრებიან მერის სამსახურების და განყოფილების უფროსები.

ყველა თათბირი დაიწყება 11 საათზე. როგორც წესი, მას ესწრებიან მუნიციპალიტეტის მერი, მერის მოადგილე, იურიდიული სამსახურის უფროსი და თანაშემწე, ხოლო თვის პირველი ორშაბათის თათბირს, მათთან ერთად—რეფერენტები.

გაზეთი „თერჯოლა“, როგორც ჩვენ გავიმარტეს, ისარგებლებს ყველა თათბირზე დასწრების ელსკლუზიური უფლებით, რაც მნიშვნელოვნად შეუწყობს ხელს ჩვენი მუნიციპალიტეტის თვითმმართველობის საქმიანობის თაობაზე მოსახლეობის სწორად ინფორმირებას და მმართველი რგოლების მუშაობის გამჭვირვალობას.

დ. შალიკაშვილი

ინფრასტრუქტურული პროექტების განხორციელება გადამწყვეტ ეტაპზეა!



კარგია, რომ უკვე გვაქვს მნიშვნელოვანი შედეგები. მთლიანად დასრულდა რამდენიმე ინფრასტრუქტურული პროექტი, ზოგიერთზე მუშაობა გრაფიკის წინმსწრები ტემპითაც კი მიდის. მართალია, რიგ პროექტებთან კავშირში არის სხვადასხვა შემაფერხებელი გარემოებები, ზოგჯერ იქმნება ცალკეული პრობლემები და სხვა, მაგრამ ხაზგასასმელია, რომ ასეთი სახის შეფერხებები თანდათანობით მცირდება და ეს პირდაპირი შედეგია იმ ძალისხმევისა, რასაც მუნიციპალიტეტის მერის მოვალეობის შემსრულებელი ლაშა გოგიაშვილი, მისი მოადგილე მანუჩარ რობაქიძე, მერის შესაბამისი სამსახურების ხელმძღვანელები, საკრებულოს თავმჯდომარე ნინო ჯანელიძე და საკრებულოს მაჟორიტარი დეპუტატები ახმარენ სამუშაოების მაღალხარისხობრივად და გრაფიკის დაცვით შესრულებას.

დაპირებისამებრ, უახლოეს პერიოდში, „თერჯოლა“ მკითხველს შესთავაზებს ინტერვიუს მუნიციპალიტეტის მერის მოვალეობის შემსრულებელთან, ბატონ ლაშა გოგიაშვილთან.

რა თქმა უნდა, ინფრასტრუქტურული პროექტების განხორციელების მიმდინარეობა ინტერვიუს ერთ-ერთი მნიშვნელოვანი თემა იქნება და აღნიშნულის გამო, ამ მნიშვნელოვან თემაზე, ჩვენი პროექტების მრავალპროფილურობისა და დაფინანსების წყაროების გათვალისწინების მიხედვით მოგიხსნათ.

გინვეთ სამუშაოდ!

შპს „ჭიათურმანგანუმ ჯორჯია“-ს თერჯოლის რაიონის სოფ. ნახშირღელის ფეროშენადნობთა ქარხანა აცხადებს თანამშრომელთა მიღებას დამხმარე მუშების, მდნობელების, ზეინკლების, ელექტრომემდულებლების, ელექტრომონტიორების და მშენებლების პოზიციებზე. სანყისი ხელზე ასალები ანაზღაურება შეადგენს 500 (ხუთასი) ლარს, ზრდის პერსპექტივით.

მუშა-მოსამსახურეები უზრუნველყოფილი იქნებიან ტრანსპორტით, კვებით და ჯანმრთელობის დაზღვევით. დაგვიკავშირდეთ 599 87 81 53

„სამშობლო უპირველეს ყოვლისა“! თერჯოლის მუნიციპალიტეტის მერის ბრძანება № 45 636

29.05.2020

თერჯოლის მუნიციპალიტეტის მერის 2020 წლის 3 თებერვლის „სამხედრო-სავალდებულო სამსახურში მოქალაქეთა 2020 წლის საგაზაფხულო განწვევის კომისიის შექმნის შესახებ“ №45 129 ბრძანებაში ცვლილების შეტანის შესახებ

საქართველოს ორგანული კანონის „ადგილობრივი თვითმმართველობის კოდექსის“ 54-ე მუხლის პირველი ნაწილის „ე“ პუნქტის „ე“ ქვეპუნქტის 61-ე მუხლის მე-3 ნაწილის „ა“ პუნქტის, სამხედრო ვალდებულებისა და სამხედრო სამსახურის შესახებ“ საქართველოს კანონისა და „სამხედრო-სავალდებულო სამსახურში მოქალაქეთა 2020 წლის საგაზაფხულო განწვევის შესახებ“ საქართველოს მთავრობის 2020 წლის 30 იანვრის დადგენილება №62-ის და საქართველოს ზოგადი ადმინისტრაციული კოდექსის 63-ე მუხლის შესაბამისად ვბრძანებ:

მუხლი 1. თერჯოლის მუნიციპალიტეტის მერის 2020 წლის 3 თებერვლის „სამხედრო სავალდებულო სამსახურში მოქალაქეთა 2020 წლის საგაზაფხულო განწვევის კომისიის შექმნის შესახებ“ №45 129 ბრძანების პირველ მუხლში შევიდეს ცვლილება და ჩამოყალიბდეს შემდეგი რედაქციით:

„მუხლი 1. შეიქმნას სამხედრო-სავალდებულო სამსახურში მოქალაქეთა გამწვევი კომისია შემდეგი შემადგენლობით:

ა) ლაშა გოგიაშვილი—თერჯოლის მუნიციპალიტეტის მერის მოვალეობის შემსრულებელი, გამწვევი კომისიის თავმჯდომარე.

ბ) პაატა გოგიაშვილი—თერჯოლის მუნიციპალიტეტის მერის პირველადი სტრუქტურული ერთეულის, სამხედრო აღრიცხვის განწვევისა და მობილიზაციის სამსახურის ხელმძღვანელი, კომისიის თავმჯდომარის მოადგილე.

გ) ზურაბ გოგიაშვილი—თერჯოლის მუნიციპალიტეტის მერის პირველადი სტრუქტურული ერთეულის, სამხედრო აღრიცხვის განწვევისა და მობილიზაციის სამსახურის, მე-3 რანგის პირველი კატეგორიის უფროსი სპეციალისტი, გამწვევი კომისიის მდივანი.

დ) შოთა რობაქიძე—თერჯოლის მუნიციპალიტეტის მერის სამხედრო აღრიცხვის განწვევისა და მობილიზაციის სამსახურის, მე-3 რანგის მე-სამე კატეგორიის უფროსი სპეციალისტი, კომისიის წევრი.

ე) ბეჟან გოგიაშვილი—თერჯოლის მუნიციპალიტეტის მერის სამხედრო აღრიცხვის განწვევისა და მობილიზაციის სამსახურის, მე-3 რანგის მეორე კატეგორიის უფროსი სპეციალისტი, კომისიის წევრი.

ვ) ირაკლი ცხადაძე—თერჯოლის მუნიციპალიტეტის მერის სამხედრო აღრიცხვის განწვევისა და მობილიზაციის სამსახურის, მე-3 რანგის მე-სამე კატეგორიის უფროსი სპეციალისტი, კომისიის წევრი.

ზ) ბუხუტი ნიკურაძე—საქართველოს შინაგან საქმეთა სამინისტროს თერჯოლის რაიონული სამმართველოს უფროსი, კომისიის წევრი.

თ) მერაბ სირბილაძე—საქართველოს სახელმწიფო უსაფრთხოების სამსახური, კომისიის წევრი.

მუხლი 2. ბრძანება ჩაბარდეს კომისიის წევრებს.

მუხლი 3. ბრძანება გამოქვეყნდეს რაიონულ გაზეთ „თერჯოლაში“.

მუხლი 4. ბრძანება ძალაში შევიდეს ხელმოწერისთანავე.

მუხლი 5. ბრძანება შეიძლება გასაჩივრდეს დაინტერესებული პირის მიერ მისი გაცნობიდან ერთი თვის ვადაში, ზესტაფონის რაიონულ სამმართველოში (ქ. ზესტაფონი, წერეთლის ქ. №7). კანონმდებლობით დადგენილი წესით.

ლაშა გოგიაშვილი, მუნიციპალიტეტის მერის მოვალეობის შემსრულებელი

მუნიციპალიტეტის მერის სამხედრო აღრიცხვის, განწვევისა და მობილიზაციის სამსახურიდან გვატყობინებენ, რომ: ქართულ ჯარში მორიგი განწვევა განხორციელდა. თერჯოლის მუნიციპალიტეტიდან ოცდაერთმა ახალგაზრდამ მორიგო სამხედრო მუნდირი.

ესენი ვახლავთ:

1. ლევდი ნიკოლოზ თეიმურაზის ძე—გოდოგანი
2. სირბილაძე ივანე ბექტორის ძე—სიქთარვა
3. ჩუბინიძე ნუგზარ გიორგის ძე—თერჯოლა
4. ოქრუაძე ნიკოლოზ ელდარის ძე—რუფოთი
5. თურქაძე გოგა გელას ძე—ზ. საზანო
6. კუპატაძე გიორგი მურადის ძე—ზ. საზანო
7. ჭანკვეტაძე გოგა ბადრის ძე—რუფოთი
8. ბუცხრიკიძე აკაკი გოდერძის ძე—ალისუბანი
9. ცერცვაძე ანრი ელგუჯას ძე—ბარდუბანი
10. ლანჩავა რუბენ რამაზის ძე—ნახშირღელე
11. ოქრუაძე ბექა რამაზის ძე—რუფოთი
12. კვიციანი ლუკა ლერის ძე—გოდოგანი
13. ჭანკვეტაძე ვაჟა მამუკას ძე—რუფოთი
14. აბუხანდაძე საბა ალექსანდრეს ძე—სიქთარვა
15. ყაზაიშვილი ლევან გოჩას ძე—ალისუბანი
16. ზარნაძე როინი ზვიადის ძე—თერჯოლა
17. ლანჩავა ლიონი ვეფხიას

ქე—ნახშირღელე
18. მაკარიძე გიორგი ფიროუზის ძე—თერჯოლა
19. გვენეტაძე გურამ თომას ძე—ზედა სიმონეთი
20. მირველაშვილი ზურაბ ივანეს ძე—ალისუბანი
21. კავაძე რომან გიორგის ძე—ქე. სიმონეთი

მადლობა მათ და მათ მშობლებს, ასევე აღმზრდელ-პედაგოგებს, მადლიერებით მოვიხსენიებთ წარმოდგენილი სოფლების ადმინისტრაციებს, რომლებმაც წარმატებით გაუკეთეს ორგანიზაცია სამშობლოს დამცველთა რიგებში ახალი შევსების საქმეს.

გვჯერა, ჩვენი ახალწვეულები წარმატებით დაუფლებიან სამხედრო ტექნიკას; გაიწოთობიან, ახალ სამხედრო შეიარაღებასა და ტექნოლოგიებს დაუფლებიან, ისინი უფლებას არავის მისცემენ დამპყრობლური თვალთ იცქირობდნენ ჩვენი სამშობლოს საზღვრებისკენ.

ჯარი ქვეყნის სახეა! ეს ყველამ ვიცით—პოლიტიკოსმაც და ხელოვანმაც. მინის მუშამაც და ღვთისმსახურმაც...

ამიტომაც არის, რომ ჯარში ნებაყოფლობით მიდიან ჩვენი ჯანსაღი ახალგაზრდები. მათ პატრიოტული გრძობები ამოძრავებთ თავიანთი მთისა და ბარისა, ქვეყნის წარსულის, აწმყოსი და მომავლისა...

ამავე დროს...
ამავე დროს გულსატკეპნია ცალკეული შემთხვევები, როცა

„რელიგიური“ მოსაზრებებით თავს არიდებენ ჯარში სამსახურს.

საქართველოს კონსტიტუციის შესაბამისად, საქართველოს დაცვა და სამხედრო ვალდებულებების მოხდა ყოველი ჯანმრთელი ახალგაზრდის მოვალეობაა.

უნდა გვახსოვდეს, რომ კანონი სამხედრო ვალდებულებებისა და სამხედრო სამსახურის შესახებ ყველა ახალგაზრდისათვის არის კანონი.


„ქუღზე კაციო“—წმინდა სამრეკლოდან რომ გაისმოდა ჩვენი წინაპრის ძახილი—ყველა ვალდებული იყო სამშობლოს მხარში დადგომოდა!

არ ვაპირებთ საკითხის პოლიტიზირებას, პატივს ვცემთ ყველას რელიგიურ გრძობას, მაგრამ გვინდა შევუძახოთ ახალგაზრდებს: ბიჭებო,—„სამშობლო უპირველეს ყოვლისა“, ბიჭებო, ვიამაყოთ ჩვენი ქრისტიანობით. შედით საყდარში და ილოცეთ სამშობლოსათვის. ამავდროულად თოფის ხმარებაც უნდა ვისწავლოთ, მკლავიც უნდა გავიმამაცუროთ!..

ეს მამულის ძახილია!
ეგეც არ იყოს... გოგოებს, ჩუმ-ჩუმად რომ გითვალთვალებენ, მაინცდამაინც როდი ნიბლავთ „დედას ბიჭები“... კაცებად გამოუჩინეთ მათ თავი! სხვა რა გითხრათ, რა გირჩიოთ? არ გვემეტებთ სა-მირჩიოდ!

ნუგზარ იხსენილი

ჩვენი ქალაქის სასიკეთო ფერისცვალება



თერჯოლა ე. ნ. „თერჯოლის შემოსახვევიდან“ იწყება. გასული საუკუნის ორმოციანი და უფრო ადრინდელი წლებიდან ძველი თაობების მესხიერებას შემორჩა ვინრო „მოხრეშილი“ საავტომობილო გზა, რომელიც მიემართებოდა „შორეული“ ტყიბულისა და რაჭისაკენ...

ჩხარი-ზესტაფონის მონაკვეთზე ტენტიანი ავტობუსიც იყო დანიშნული, რომელსაც ომამდე თურმე ორი გერმანელი მეპატრონე მართავდა. აქედან შემორჩა გამოთქმაც: „უტი, უტი მინადორა, ნემენცია, არ დაგზოგავსო“...

მას აქეთია ბევრმა დრომ განვლო. იცვლებოდა გარესამყარო, იცვლებოდნენ თაობები... იცვლებოდა ცხოვრების წესი.

ახლა ძნელი წარმოსადგენია, რომ „კობრასთან“ დღისითაც კი მგლები თავისუფლად გრძნობდნენ თავს. „სატურიასთან“ თურმე ისეთი გაუვალი ტყე ყოფილა, რომ „ძალი კუდს ვერ მოიბრუნებდა“, იქ, სადაც ჩვენი დავით კლდიაშვილის ძეგლ-მემორიალია, ორი „გრუზავიკი“ გზას ვერ აუვლიდა ერთმანეთს...

მცირე ფრაგმენტების მოხმობა პარალელის გასაწვლად დაგვჭირდა მხოლოდ. მეოცე საუკუნე ნელ-ნელა ტკეპნიდა გზებს, მაინც წინ მიიწედა... ორმოცდაათიან წლებში თერჯოლა ადმინისტრაციული ცენტრი გახდა.

მერე დაბის სტატუსი მიიღო, ქალაქის სახელიც მოიგო... ასე ნელ-ნელ დაიმკვიდრა თავისი მეობა.

ვრცელი თემაა, საშური და დავისწყებისთვის არგასამეტებელი.

უბრალოდ, დღევანდელ თაობას ვუამბობთ, რომ ამ ვინრო „მოხრეშილი“ საავტომობილო გზის ორივე მხარეს თერჯოლელთა საკარმიდამო ნაკვეთები და საცხოვრებლები იყო ჩამწკრივებული. სიღარიბე იცქირებოდა ყოველი კუთხე-კუნჭულიდან. ბევრი კარ-მიდამო უმეტესად შეუღობავი იყო, ინფრასტრუქტურა—ძველებურ არქაული...

მაგრამ ცხოვრებას მაინც სასიკეთო პირი უჩანდა... ცივილიზაცია მაინც მოიკვლევდა გზას...

შემოვიდა ელექტრონი, მოხდა ქალაქის რადიოფიცირება. გაჩნდა სახელმწიფო დაწესებულებები...

ამ ჩვენს ე. ნ. მოხრეშილ საავტომობილო გზაზე დაიგო ასფალტი. შედარებით მონესრიგდა წყალსაშვი არხები და ა.შ.

დადგა დღის წესრიგში ქალაქს ჰქონოდა ასე ვთქვათ—საფასადო შემოსახველი. ე. ნ. დეკორაციული ღობეების გაკეთება, რა თქმა უნდა, რაიონის ადმინისტრაციამ ითავა. მაგრამ პირველი მცდელობა არც ისე წარმატებული გამოდგა—აგურის ღობეებმა მალევე (რამდენიმე წელიწადში) დაშლა დაიწყო...

მერე უკეთესი გაკეთდა, ქალაქმა ეროვნულ არქიტექტურით ნასაზრდოები ხის ჭიშკრები დაიმშენა...

მაგრამ ჟამთა სვლა ყველას და ყველაფერს აძველებს და შეცვლას აიძულებს.

ახლა ეს პერიოდი უდგას ჩვენს ქალაქს...

ნახავთ ფოტოებს და დარწმუნდებით ამჟამად მიმდინარე განახლების მასშტაბებში...

ეს ყველაფერი, როგორც უკვე ვიუწყებოდით, კეთდება ქალაქ თერჯოლის ცენტრის კეთილ-

მონყობის იმ პროექტის შესაბამისად, რომელიც რეგიონული განვითარების ფონდიდან გამოყოფილი 848 800 ლარით ფინანსდება და პირველ ეტაპზე ითვალისწინებს ოთხი ლოკაციის კეთილმოწყობას: რუსთაველის ქ. №114 მიმდებარედ არსებულ სკვერს; რუსთაველის ქუჩაზე არსებულ გმირთა მემორიალს; რუსთაველის ქ. №109, მერიის მიმდებარე და დავით კლდიაშვილის სკვერის ტერიტორიასა და სხვ.

სამუშაოები სწრაფი ტემპით მიმდინარეობს.

ამავდროულად გრძელდება დაზიანებული ღობეების შეკეთება-განახლების სამუშაოები.

წარმოდგენილ სამუშაოებს ტენდერში გამარჯვებული კომპანია შპს „ჯორჯიან სტოუნი“ ახორციელებს (ხელმძღვანელი ნუკრი სარდანაძე).

ფოტოებზე აღვებქდეთ სამუშაოები.

დაგვერწმუნებით, შთამბეჭდავია. როცა ეს ყველაფერი დასრულდება, თერჯოლა სრულად განახლებული და გალამაზებული სახით წარუდგება მნახველს.

მაშინ გავაცნობთ საზოგადოებას ადამიანებს, ასე გულიანად რომ ირჯებიან ჩვენი ქალაქის სასიკეთოდ და ნამდვილი სახის გამოსაჩენად.

გვიმტკიცდება რწმენა, რომ მუნიციპალიტეტის ხელმძღვანელობა, სახელმწიფო ქვეგანაყოფები, ყოველი თერჯოლელი ერთსულ და ერთ ხორც იღვანებენ უკეთესი მერმისისათვის.

ეს ყველაფერი უკი გვკარნახობს ვიდგეთ იქ, სადაც უნდა ვიდგეთ.

თერჯოლელებო, მშვიდობასა და სიყვარულში მოგვეხმაროს ჩვენი ქალაქი. არ დაგზარდეთ და უშურველად გავიდეთ მისთვის გასაღები.


მეტი დრო უნდა დავუთმოთ, ასე ვთქვათ შიგა ინტერიერსაც. გავითვალისწინოთ ფაქტორი, რომ ჩვენი ფართოგაბარიტიანი გზა უცხოელ ტურისტთათვის ერთგვარ გზამკვლევსაც წარმოადგენს. ისინი განახლებული გზისპირების მიღმაც „შეიჭყიტებიან“... ვაჩვენოთ მათ თერჯოლური ეზო-კარის სიკოხტავე. აბა, რა სალაპარაკოა და რა გვესწავლება რომ ღიმილთან ერთად ცივი წყალიც შევთავაზოთ მათ.

„თო... ერ-ყოლა...“ დავახსოვოთ და თან გავაყოლოთ ეს სახელი...

გვეწერება და ვწერთ ამ ყველაფერზე, სიხარულით და სიყვარულით. ჩვენს მკითხველს მალე ისევ შევხვდებით. მალე ისევ დაგვიგროვდება საამოდ საამბობი.

წუგზარ გამყრელიძე

P.S. ვიდრე ჩვენი გაზეთის ეს ნომერი ბეჭდვაში ჩაეშვებოდა, დაგვიკავშირდა მერის წარმომადგენელი ქალაქ თერჯოლაში გია მარუაშვილი, რომელმაც გვაცნობა, რომ ქალაქში, მისი ცენტრის კეთილმოწყობის პროექტთან ერთად განხორციელების აქტიურ ფაზაშია ლესელიძის და ჯაბიძის ქუჩების კონკრეტულ უბნებში არმირებული ბეტონის საფარის დაგების სამუშაოები, უკვე დასრულდა ლესელიძის ქუჩის პირველი შესახვევის (ბოჭორიშვილების უბანი) რეაბილიტაცია—გვითხრა მან.



„კორონავირუსი“ და „თერჯოლამედის“ ინფექციური განყოფილება

გვესაუბრება ექიმი ინფექციონისტი, იმერეთის სამხარეო სამედიცინო ცენტრ „თერჯოლამედის“ ინფექციური განყოფილების გამგე მამუშა აბუშაძე

2019 წლის ბოლოს, დედამიწის მოსახლეობა და უპირველეს ყოვლისა, სამედიცინო საზოგადოება ახალი გლობალური გამოწვევის წინაშე დადგა. მოსახლეობის ნაწილი დაავადდა ახალი კორონავირუსული, მანამდე უცნობი ვირუსით გამოწვეული დაავადებით. კორონავირუსული დაავადებები მედიკოსთათვის ადრეც იყო ცნობილი, თუმცა, ახალ კორონავირუსულ დაავადებას ინვეს ვირუსის ახალი შტამი, რომლის თვისებები ახლაც კი არასათანადოდ არის შესწავლილი, რაც შესაბამისად, ართულებს კიდევაც მის წინააღმდეგ ბრძოლას. ქართველ მედიკოსთა სასახლოდ უნდა ით-



ქვას, რომ მათ კარგად გაართვეს თავი ამ ახალ გამოწვევას, რაზეც მეტყველებს ის სტატისტიკა, რაც დღეს საქართველოში გაგვჩანია. განსაკუთრებული აღნიშვნის ღირსია ჩვენი მთავრობის, პრემიერ-მინისტრის და შრომის, ჯანმრთელობისა და სოციალური დაცვის სამინისტროს ეფექტური მუშაობა.

ახალ გამოწვევას ღირსეულად შეხვდა იმერეთის სამხარეო სამედიცინო ცენტრის, იმერეთის—თერჯოლამედის კოლექტივიც. მისი სამეთვალყურეო საბჭოს თავმჯდომარის ვლადიმერ კეპულაძის მეცადინეობით მთლიანად მოდერნიზდა ინფექციური განყოფილება. მან შეიცვალა ადგილი, გარემონტდა და შესაბამისად აღიჭურვა. დატრენინგდა მედპერსონალი: ექიმები, მედღები, სანიტრები, რაშიც დიდად დაგვეხმარა დაავადებათა კონტროლისა და საზოგადოებრივი ჯანდაცვის ეროვნული ცენტრის იმერეთის სამმართველო ბატონ გოჩა გიორგაძის მეთაურობით.

ამჟამად ინფექციური განყოფილება განთავსებულია 9 (ცხრა) სანოლზე. აქვს სრული ბოქს-პალატა, სადაც იზოლირებულად, ცალკე შესასვლელით ხდება ავადმყოფის მიღება. ასევე დანარჩენი პალატებიც ბოქსირებულია, რომელშიც შექმნილია სრული კომფორტი როგორც პაციენტებისათვის, ასევე მედპერსონალისთვის.

როგორც ცნობილია, გაზაფხულზე, მინისტრის სპეციალური ბრძანებით, კლინიკების ნაწილს მიენიჭა „ცხელების ცენტრების“ სტატუსი, მათ შორის, ჩვენს საავადმყოფოს—„თერჯოლამედს“. აპრილიდან დღემდე ინფექციურ განყოფილებას მომართა 250-მდე პაციენტი, როგორც ამბულატორიულად, ასევე სტაციონალურად. მათ შორის 154-ს ჩაუტარდა სპეციალური, მაღალტექნოლოგიური კვლევა ახალ კორონავირუსულ ინფექციაზე, ე.წ. PCR პოლიმერაზული ჯაჭვური რეაქცია, რომელიც გამოირჩევა მაღალი სიზუსტით და საიმედოობით. აქედან 1 (ერთს)-ს დაუდასტურდა ახალი კორონავირუსული დაავადება და ეს პაციენტი გადაყვანილი იქნა ქ. ქუთაისში,

სპეციალიზებულ კლინიკაში, რომელსაც მინიჭებული აქვს ამ დაავადების მმართველი კლინიკის სტატუსი.

იქიდან გამომდინარე, რომ ჩვენს კლინიკას მინიჭებული აქვს „ცხელების კლინიკის“ სტატუსი და გააჩნია შესანიშნავად აღჭურვილი, კომფორტული, კვალიფიციური კადრებით დაკომპლექტებული ინფექციური განყოფილება, ჩვენთან ხვდებიან პაციენტები, რომელთაც აქვთ ვირუსული ინფექციისათვის დამახასიათებელი სიმპტომატიკა და ამიტომაც ისინი განიხილებიან ახალი კორონავირუსული დაავადების შესაძლო შემთხვევებში. მათ უტარდება ქართველ მედიკოსთა მიერ შექმნილი პროტოკოლით გათვალისწინებული გამოკვლევები და შესაბამისად, ხდება მათი შემდგომი დიფერენცირება და მართვა.

ახალ გამოწვევებთან ბრძოლის ავანგარდში დგანან ექიმები, ინფექციონისტები: ფიქრია ბერაძე, მაკა დიდბერიძე, მედღები: გურანდა აბულაძე, ინეზა ზანკალიანი, სოფიო აფრიდონიძე; უმცროსი მედღები: თამუნა რამიშვილი და თამთა ჯულაყიძე. უპირველეს ყოვლისა, გვერდით გვიდგას და საქმიანობას გვიადვილებს ჩვენი საავადმყოფოს დიაგნოსტიკური დეპარტამენტი; უახლესი აპარატურით აღჭურვილი, რენტგენისა და კომპიუტერული ტომოგრაფიის კაბინეტები, ექსკოპიის, კლინიკური, ბიოქიმიური, სეროლოგიური და ბაქტერიოლოგიური ლაბორატორიები. დესკანც იმერეთის სამმართველოს ლაბორატორია, სადაც ხდება ზემოთაღნიშნული მაღალტექნოლოგიური, დიდი სიზუსტით გამორჩეული PCR—კვლევა, ცხვირ-ხახის ნაცხის გამოკვლევა ახალ კორონავირუსულ ინფექციაზე.

უდიდეს დახმარებას გვინვეს მთელი საავადმყოფოს მედპერსონალი, ჩვენი დაუზარელი კონსულტანტები: პედიატრები, ქირურგები, ნევროლოგები, ენდოკრინოლოგები, დერმატოლოგები, ფსიქიატრები, კარდიოლოგები და რათქმა უნდა, ჩვენი საავადმყოფოს მენეჯმენტი ბატონ ვლადიმერ კეპულაძის მეთაურობით. აღნიშვნის ღირსია ჩვენი ეპიდემიოლოგების, ქალბატონ თამილა



არჯევანიძის და მისი სამსახურის, ჩვენი კლინიკის ეპიდემიოლოგის, ბატონ ავთანდილ ჩიტიძის დაუღალავი შრომა.

ეს ერთსულოვნება, ეს გვერდით დგომა და თანამონაწილეობა გვაძლევს სტიმულს, რათა ჩვენც ჩვეული გულმოდგინებით, ერთგულებით, დაუღალავად და დაუზარებლად შევასრულოთ ჩვენზე დაკისრებული მოვალეობანი და მტკიცედ ვიდგეთ ადამიანთათვის ყველაზე სანუკვარი და ძვირფასი—ჯანმრთელობის სადარაჯოზე.

კორონასთან თანაცხოვრება—ეს ნიშნავს ვიყოთ ფრთხილად და ვიპრობოთ მეტი

„ჭირსა შიგან გამაგრება, ასრე უნდა ვით ქვიტკირსა“—გემოდღვრავდა დიდი შოთა რუსთაველი. რას ვიზამთ, მსოფლიოს მოდებულმა პანდემიამ ახალი ვირუსის სახით, ჩვენი პატარა ქვეყანაც დააყენა საშინელი საფრთხის წინაშე და ვიდრე საჭირო ვაქცინა არ შეუქმნიათ მეცნიერებს, კორონავირუსთან თანაცხოვრება მოგვინევს. ბარაქლა ხელისუფლებას, ბარაქლა მედიკოსებს, რომ გატარებული თანმიმდევრული ღონისძიებებით საიმედოდ დაიცვას ადამიანთა სიცოცხლე; კოვიდ-19-თან ბრძოლის შედეგებით მსოფლიოში მონიშნულ ადგილზე ვიმყოფებით, რომ საქართველო უსაფრთხო ზონად არის გამოცხადებული და გამალბებული მზადება ტურისტული სეზონის დაწყებისათვის. თუმცა, ეს ყოველივე, როგორც ჯანდაცვის ნამყვანი სპეციალისტები აცხადებენ, არ ნიშნავს, რომ პანდემია დავამარცხეთ, შეზღუდვების მოხსნის პარალელურად, დაინფიცირებულთა რიცხვი გაიზარდება, შემოდგომისათვის კი პანდემიის ახალი დიდი ტალღა მოსალოდნელი. ასე რომ, საჭიროა თითოეულმა მოქალაქემ, ზუსტად დაიცვას მოცემული რეკომენდაციები, გამოიჩინოს სიფრთხილე და კიდევ სიფრთხილე.



და, რაც განსაკუთრებულად მთავარია, ვიპრობოთ რაც შეიძლება მეტი, რომ ამოვიწიოთ შენელებული ეკონომიკა, თითოეულმა ჩვენი შესაძლო სწავლილი შევიტანოთ მთავრობის მიერ შემუშავებული ანტიკრიზისული გეგმის რეალიზაციაში. როგორც პრემიერმა გიორგი გახარამ განაცხადა, ეკონომიკის გაჯანსაღებაში პირველი იქნება ტურიზმი, მეორე—სოფლის მეურნეობა. შესაბამისად, ქმედითი ღონისძიებები ხორციელდება სოფლის მეურნეობის განსავითარებლად. ეს უკანასკნელი სისხლბორცველია ჩვენთვის, რადგან თერჯოლა ტრადიციულად სოფლის მეურნეობის რაიონია. უნდა ვეცადოთ, სასოფლო-სამეურნეო სავარგულების არცერთი გოჯი არ დარჩეს დაუმუშავებელი. მოვიყვანოთ რაც შეიძლება მეტი ყურძენი, მარცვლეული, ბახჩეული... ყველა მეურნემ, ვისაც მინის ნაკვეთები აქვს დარეგისტრირებული, უნდა შეძლოს იმდენი, რომ თუ ჭარბ პროდუქციას ვერ შექმნის, თავის ოჯახის მოთხოვნილებები მაინც დაიკმაყოფილოს.

გაზეთიდან „ჩვენი სოფელი“, მაისი №3. მთავრობის ზრუნვა სოფელსა და ფერმერებზე ყოველწლიურად იზრდება. დარგი 2013 წლიდან პრიორიტეტადაა გამოცხადებული და შემუშავებულია კონკრეტული გეგმა ფერმერების დასახმარებლად, დასახული პროგრამის დაფინანსების გასაზრდელად.

პირველად „ქართული ოცნების“ ხელისუფლების პირობებში განისაზღვრა სოფლის მეურნეობის კერძო სექტორის დახმარების სრულყოფილი პაკეტი.

20 მაისიდან დაიწყო ახალი სახელმწიფო პროგრამა „სასოფლო-სამეურნეო დანიშნულების მიწის მესაკუთრეთა სტიმულირება“.

1,25 ჰა-დან 10 ჰა-მდე და მეტი ფართობის მიწის ნაკვეთის მესაკუთრეს შესაძლებლობა აქვს, ბარათზე დარიცხული ქულები გამოიყენოს სასოფლო-სამეურნეო საქონლის, მათ შორის სასუქების და მცენარეთა დაცვის ქიმიური, ბიოლოგიური საშუალებების, ასევე სასოფლო-სამეურნეო მიწის აგროტექნიკური საშუაობების მომსახურების შესაძენად. პროექტის ფარგლებში, არაუმეტეს 10 ჰექტარისა, ერთლიანი მიწის ნაკვეთებისათვის სუბსიდია შეადგენს მაქსიმუმ 2000 ლარს. პროგრამით ისარგებლებს 200 000-მდე ფერმერი.

გ. დალუხაშვილი, სოფ. ღვანკითი: სოფლის მეურნე კაცს დახმარება როდის იყო რომ არ სჭირდებოდა, მაგრამ ახლა, ამ დაწყებული კორონას გამო, როცა თითქმის გაიყინა ყველაფერი, დახმარება სასიცოცხლოდ აუცილებელია. მაღლიერების მეტი რა გვეთქმის ხელისუფლების მიმართ—ჯერ ერთი ის, რომ დაავადებას გავრცელების საშუალება არ მისცეს, გატარებული ღონისძიებების შედეგად მთლიანად ქვეყანა უსაფრთხო ზონად აქციეს. მეორე მხრივ ყველას, ვინც დაზარალდა ეკონომიურად, პანდემიის გამო უმოქმედო გახდა, გარკვეული ანაზღაურება მისცეს. ფერმერებმაც მივიღეთ სუბსიდის სახით, სპეციალური პროგრამის შესაბამისად, დახმარებები. პირადად ვისარგებლე ამ დახმარებით, შეღავათიან ფასში შევიძინე დიზელის სანავიცი. იმ დღეს ოფიციალური ფასი 1,70 თეთრი იყო, მე 1,16 თეთრად შევიძინე. ლიბერთი ბანკში ასაღები მაქვს ვაუჩერი, რომლითაც სასუქსა და შხამ-ქიმიკატებს შევიძინე ბახჩეულის, ნათესების და ვენახის მოსავლელად. მეზობელი მყავს ინდმენარმე, ხის ნაკეთობებს ამზადებს. რას გააკეთებდა, ყველა სახლებში ვიყავით გამოკეტილი. ვაგზავნი საჭირო შეტყობინებას, სადაც ჯერ არს და სულ რამოდენიმე დღეში 300 ლარი დაგიცხა ანგარიშზე.

ზოგი იტყვის, ეს რა არის, ის რა არის, 300 ლარი რა ფულიაო. არ უნდა იყო უმადური კაცი. ისიც ხომ უნდა გაითვალისწინო, ქვეყნისათვის რა ვითარებაში, რა პირობებში იღებ შენ ამ დახმარებას. სხვას რომ თავი დავანებოთ, მთავარი ისაა, რომ განსაცდელის წამს მარტო არ რჩები, ვიღაც ფიქრობს შენზე, ვიღაც გინვდის დახმარების ხელს და გაძლევს იმედს, ცხოვრებას გაუმკლავდე.

სოფლის მეურნეობას მინისტრის რანგში, რამოდენიმე წელია, უაღრესად განსწავლული, სოფლის ქეშმარიტი გულშემატკივარი ადამიანი ლევან დავითაშვილი ხელმძღვანელობს და ეს ცოტას როდი ნიშნავს.

დ. ზარნაძე, ახალთერჯოლა: დახმარება არის ფერმერებზე რომ გავიგე, გამეხარდა და როგორ, ორი კაპიკი რომ დაზოგო, ნაადგება ოჯახს. უმაღლესი საინფორმაციო-საკონსულტაციო ცენტრს მივაშურე. ჩემთან ერთად იყო რამოდენიმე ჩემი მეზობელიც. თავაზიანად მივიღე. ნახეს კომპიუტერში და სამსუხაროდ, არცერთი არ ვიყავით სიაში. აღბათ თანამესაკუთრეები გყავთ დარეგისტრირებულ ფართობზე. ეს საქმე გასარკვევია და აღბათ ნოტარიუსით დადასტურებული მათი თანხმობა დაგჭირდება, რომ როგორც აგროდინების სანავიცი, ისე სამეურნეო საქონლის შესაძენად სუბსიდია მიიღოთ.

აგერ კვირა გადის, დახმარებას ვერ ვიღებთ, არადა, როგორც იქნა, წვიმა მოვიდა, ახლა თუ არ შევიძინეთ სასუქი და არ მივეცი თანხებს, მერე რაღას ნაადგება. ნათქვამია, მაღლს მარილიც უნდა მოყარო. კარგი იქნებოდა, გამარტივებული ყოფილიყო დახმარების მიღების პროცესი.

P.S. ვინაიდან თანამესაკუთრეებით გამოწვეულ პრობლემაზე სხვა ფერმერებიც წუხდნენ, გადაწყვიტეთ, მერიის საკონსულტაციო-საინფორმაციო ცენტრის მუშაკებს ვავსაუბრებოდით. ვაგვიკვირდა, რომ აქ ადრინდელისგან განსხვავებით, ხალვათობა იყო. სუბსიდების მისაღებად საჭირო საბუთების გაცემა გეგმაზომიერად მიმდინარეობს. როგორც ხედავთ, რიგები აღარაა, გვითხრა ცენტრის უფროსმა სპეციალისტმა მინდია ქარქაშაძემ.

როგორც ჩვენთან, ისე „ლიბერთი ბანკში“ ეს პროცესი ადრინდელთან შედარებით საკმაოდ გამარტივებულია, —აღარაა აუცილებელი, თანამესაკუთრეების ნოტარიუსიდან დადასტურებული მინდობილობები. კონკრეტული პირი, ვისზედაც სამეურნეო ფართობი დარეგისტრირებული, თავისთან ერთად წარადგენს „ლიბერთი ბანკში“ მინის თანამესაკუთრე პირებს, რომელთაც ხელზე უნდა ჰქონდეთ პირადობის მოწმობა. მათი თანხმობის შემთხვევაში, სუბსიდიის მიღება გარანტირებულია.

„ჩვენ ვიპოვეთ გზას თქვენთან მოსასვლელად“ ...

თერჯოლის მოსწავლე-ახალგაზრდობის მუნიციპალური ცენტრი (დირექტორი რუსუდან კოვზირიძე) დღემდე რჩება ბავშვებში, მოსწავლეებში შემოქმედებითი უნარების გაღვივების, ახალი ინტერესების გაჩენის და მრავალმხრივი ცოდნის და-უფლების უალტერნატივო ცენტრად. უფრო მეტიც, იგი ყოველთვის წინ უსწრებს დროის მოთხოვნებს და გამოწვევებს და ქვეყნის მასშტაბით ძნელად თუ მოიძებნება ახალგაზრდებს, სადაც ასეთი მრავალფეროვანი არჩევანი ჰქონდეთ ახალგაზრდებს, სადაც ასე შინაარსიანი, მომავალზე ორიენტირებული, წრეებისა თუ კლუბების სიმრავლითა და შინაარსით დატვირთული შემოქმედებითი მუშაობა მიმდინარეობს...

მსოფლიო პანდემიამ, კორონას სახით, თერჯოლაშიც შემოაღწია და „შინ დარჩენა!“ მოითხოვა დიდ-პატარასაგან. წარმოუდგენელი რამ მოხდა, დაიკეტა მოსწავლე-ახალგაზრდობის ცენტრის კარებიც, რომლის მიღმა უამრავი დაგეგმილი თუ

დაუგეგმავი პროექტი, აქტივობა, პრეზენტაცია და ა.შ. საინტერესო გასართობი თუ შემეცნებითი სამუშაოები იყო შესასრულებელი...

ეს იყო 2 მარტს, როცა დროებით, ანუ 16 მარტამდე შეჩერდა მუშაობა ცენტრის შენობის სანიტარული დამუშავების მიზნით, თუმცა „კორონამ“ თავდაყირა დააყენა სამყარო და ბუნებრივია, სასწავლო დაწესებულებების კარებიც უფრო ხანგრძლივი დროით დაიკეტა, ვიდრე ვინმეს წარმოედგინა.

ცენტრის დირექციისა და აღმზრდელ-პედაგოგთა გონივრული და პროფესიონალური ძალისხმევით, ტრადიციული სწავლება-მუშაობა აღსაზრდელეთან მაღალ დონეზე ორგანიზებული, დისტანციური მეთოდით ჩანაცვლდა. შეიძლება გადაუჭარბებულად ითქვას, რომ მათ კარგად გაართვეს თავი ამ უჩვეულო, თუმცა საჭირო და აუცილებელი მეთოდით სწავლებას...

ყველაფერი კი ასე დაიწყო:

3 აპრილი

„ღარჩი ნიგნთიან“

ეს არის თერჯოლის მოსწავლე-ახალგაზრდობის მუნიციპალური ცენტრის ინტელექტუალური კლუბის „უხილავი ხილულის“ ახალი პროექტი (კოორდინატორი ლეილა სირაძე), რითაც ჩვენს გვერდს გითმობთ, რათა გამოიყენოთ ჩვენი ონლაინ სივრცე თქვენი ინტელექტუალური ცოდნის გამოსავლენად. შესაძლებლობა გაქვთ, ასაკის მიუხედავად, უპასუხოთ ჩვენს კითხვებს და ასევე, გამოგვიგზავნოთ კითხვები.

კვირის ბოლოს კი, ერთად გამოვავლინოთ საუკეთესო კითხვის ავტორი და საუკეთესო ინტელექტუალი.

4 აპრილი

ყველასი ყველასი ყველას!

მოგესალმებათ ღონისძიების დაგეგმვის და განხორციელების კლუბი (ხელმძღვანელი რუსუდან კოვზირიძე). პირველ რიგში გისურვებთ ჯანმრთელობას და პოზიტიურ იმედთან განწყობას... პოზიტივი დღეს იარაღია ვირუსის წინააღმდეგ, ჩვენ არ გვინდა დავშორდეთ ერთმანეთს და შერე ცრემლებით ვაუწყოთ მეგობარს, თუ როგორ გვენატრება ან გვენატრებიან. როგორც არასდროს, დღეს ისე საჭიროა ერთად ყოფნა, ახლობელი ადამიანები ყოველთვის ერთად არიან სულიერად, ახლა, ამ

უზარმაზარია, მან მხოლოდ ერთი პატარა მარცვლი დააგდო დედამინაზე და...

ადამიანებმა გონს მოსვლა დაიწყეთ, გადავფასეთ ჩვენი ქმედებები, დამოკიდებულებები, დიხ, დამოკიდებულებები...

ახლა გაურკვევლობის შიში, რა იქნება დღეს, ხვალ, სულს გვიფორიაქებს, ვიცით მხოლოდ ერთი, უფლის წყალობით გვაქვს ჩვენი ოჯახი, ჩვენი კერა, ჩვენი ფუძე, ჩვენ დავბრუნდით ოჯახში, რომელსაც ლამის სასტუმროს ფუნქციას ჰქონდა დარჩენილი...

აღმოვანიხეთ დღეები, რომელიც მხოლოდ თარიღებად აღიქმებოდა.

სოფელში გაიღო დაკეტილი სახლები... ბოქლომები უსაქმოდ კონიალობენ ქიშკრებზე, ამუშავდა მამაპაპურად თოხი და ბარი...

თუმცა, ძველებური „პურისჭამის“ გარეშე, მეზობლობა მხოლოდ გადაძახილით, მიკითხვა-მოკითხვით შემოიფარგლებოდა...

და-ძმები ბაღის, სკოლის ასაკის, ერთად თამაშობენ... ბავშვები თამაშს უბრუნდებიან. ბევრი რამ შეიცვალა... და რასაც დღეს ვუყურებთ, ვგრძნობთ, განვიცდით, ხვალ წარსული იქნება.

მეხსიერებას შემორჩება, მაგრამ შემდეგ დრო ნაშლის ...

ჩვენი მიზანი: სწორედ ამ კადრების დოკუმენტად ქცევაა ...

კონკურსში მონაწილეობის მიღება შეუძლიათ თერჯოლის მუნიციპალიტეტის საჯარო და კერძო სკოლის მოსწავლეებს (მე-8-დან მე-12 კლასის ჩათვლით). მონაწილეობის მსურველებმა უნდა წარმოადგინონ საკონკურსო ნამუშევარი თემებზე:

1. დისტანციურად ყოფა-ცხოვრების გაკვეთილები.
2. ჩემი ფიქრების დღიურები.
3. განსაცდელი, როგორც ახალი შესაძლებლობების დასაწყისი.
4. ის, რაც უნდა დაიტოვოს და არ დაკარგოს კაცობრიობამ კორონავირუსის შემდეგ.

ესეუ, ჩანახატი, ინტერვიუ, მოთხრობა, ნოველა. კონკურსანტი სურვილის მიხედვით ირჩევს თემს. ნაშრომმა უნდა გამოავლინოს მოსწავლის დამოუკიდებელი შემოქმედებითი აზროვნებისა და არგუმენტირებული მსჯელობის უნარი, საკუთარი თვალთახედვა, პოზიცია და დამოკიდებულება აღნიშნული თემისადმი.

13 აპრილს უკვე ინტერნეტ სივრცეში ჩნდება ქარგვის კლუბის პედაგოგის, ანა გოგიაშვილის ონლაინ-გაკვეთილების შედეგები მარტი-აპრილის თემატიკის შესაბამისად.

ყოჩაღი და შრომისმოყვარე გოგონების—სესილი, ეკსო, თათია მორაღმიშვილების, სალომე გოგლიჩიძისა და ლიზი ჩიტაძის ნაქარგები.

ასევე ტრადიციულად მიმზიდველია თექა-გობლინის კლუბის (კოორდინატორი ხათუნა გურული) წევრების ანა გენაძის, ალექსი ურიადმოფელის, ქრისტინე მაკარიძის, მარიამ ბუხრაშვილის და ნინო ხუჯაძის საგაზაფხულო ნამუშევრები. ულამაზესია ნინო ხუჯაძის (თექა) და სალომე გოგლიჩიძის (ნაქარგი) ნამუშევრები, რომლითაც აღდგომის დღესასწაული მიულოცეს დამთვალიერებლებს...

დისტანციურ რეჟიმში განაგრძობდა მუშაობას „გამოყენებითი ფიზიკის“ კლუბი (კოორდინატორი ნინო გვენეტაძე). გაზაფხულის დადგომას კლუბმა საინტერესო ვიქტორინა მოუძღვნა. მოსწავლეებს გაეგზავნა ვიქტორინის შეკითხვები, რომლებიც გაზაფხულზე მიმდინარე პროცესებისა და მოვლენების ფიზიკურ ახსნას შეეხებოდა. ასევე ფიზიკის კლუბი „ონლაინ“ რეჟიმში აგრძელებდა მზადებას კონფერენციისათვის „ფიზიკა ჩვენს ირგვლივ“.

საგანგებო მდგომარეობის პირობებშიც კი წარმატებით აგრძელებდა მუშაობას აგრონომთა კლუბი (კოორდინატორი გურამ კუპატაძე, სპეციალისტი სერგო გაბეხაძე). მიუხედავად იმისა, რომ მთლიანად საგაზაფხულო სამუშაოთა აბსოლუტური უმრავლესობა სწორედ ამ პერიოდზე მოდის, საცდელ-სადემონსტრაციო ნაკვეთზე, ყველაფერი ჩვეულ რეჟიმში მიმდინარეობდა და ტრადიციულად მოვლილ-ნაპატრონებია ყველა კულტურა, ისე რომ საცდელ-სადემონსტრაციო სათბურის სატაცური, კომპოსტო ანუ ბროკოლის მოსავალიც მოინიჭა... ნორჩი „აგრონომები“ კი დავალებებს დისტანციურად იღებდნენ პედაგოგისაგან... საოჯახო პირობებში ასრულებდნენ დავალებებს... მექიწულუკიძემ, ონისე გაბეხაძემ და გიორგი თურქაძემ ვაზის მწვანე მცობის ნესებზეც კი შეისწავლეს.

ტრადიციულად მიმზიდველი, საინტერესო და სახალისოა ეკოკლუბის (კოორდინატორი მზუო ბუსკივაძე) ფოტოვიქტორინა, კლუბის



წევრები აქტიურად, თუმცა დისტანციურ რეჟიმში გამოეხმაურნენ დემონის დღეს და გარემოს დაცვის მსოფლიო დღეს.

„ავიყვანდი და ხელისგულზე დავისვამდი დედამინას, ამდენს რომ ბრუნავს ერთი წამით დავასვენებდი...“

მიკვირს—როგორღა ბრუნავს დალილი...

მძიმდება და მძიმდება დედამინა...

ის კი მინც კეთილად ბრუნავს...

ღმერთის ხელი აბრუნებს და იმიტომ... (გოდერძი ჩოხელი).

ტრადიციულად აგრძელებდა მუშაობას მეფულტურეთა კლუბი (კოორდინატორი ნანა გვენეტაძე), ასე ჩატარდა საგაზაფხულო სამუშაოების პრაქტიკული საქმიანობა „მზადება ლალიანობისათვის“ წრის წევრთა მონაწილეობით. ფულტურის ოჯახებზე დაიდგა კორპუსები, დადგმის მუშაობის პროცესში აქტიურობდნენ: რატი ზარნაძე, მიშკო ზარნაძე, ნიკოლოზ გვენეტაძე, ალექსო აბულაძე.

ინტენსიურ ონლაინ რეჟიმში მუშაობას აგრძელებდა საგანგებო მდგომარეობაში ინგლისურენოვან თარჯიმანთა კლუბი (ხელმძღვანელი თეონა პეტრიაშვილი); საინფორმაციო ტექნოლოგიების შემსწავლელი კლუბი (კოორდინატორი შორენა მგელაძე); მხატვრული კითხვის კლუბი „ნეკა“—კოორდინატორი ლალა კუპატაძე; საიუველირო ნაკეთობათა შემსწავლელი კლუბი—კო-

ორდინატორი გელა დათიაშვილი. მოსწავლეები: მარიამ გოგიაშვილი, მარიამ დათიაშვილი, თაკო დათიაშვილი ონლაინ მეცადინეობებით მიღებული პროგრამით გათვალის-

წინებული თეორიული მასალისთვის შემდეგ, სახელოსნოს გარეთ, ღია სივრცეში პედაგოგთან ერთად ხალისით ამზადებდნენ სამკაულებსა და სხვადასხვა აქსესუარებს.



მიწურა ცენტრის სასწავლო წელი, ონლაინ მეცადინეობებით და პრაქტიკულებით. 1 ივნისიდან 20 ივნისამდე საანგარიშო აქტივობები ცვლიდა ერთმანეთს.

როგორც ჯანდაცვის სამინისტრო ვარაუდობს, დიდი ალბათობით, პანდემიის მეორე ეტაპი დაემთხვევა ახალი სასწავლო წლის დაწყებას. „ჩვენ ვიპოვეთ ყველაზე ლამაზ, ყველაზე თბილ და საინტერესო გზას თქვენამდე მოსასვლელად ბავშვებო!“—ასეთია ცენტრის გზავნილი თითოეული აღსაზრდელისადმი...

მზია ცვიფრიძე



ეპოქაში, თანამედროვე ტექნოლოგიები იძლევა საშუალებას, კომუნიკაცია დავამყაროთ ერთმანეთთან, გადავიტანოთ ჩვენი ყურადღება საქმეზე და ვაკეთოთ ის, რაც შეგვიძლია...

ჩვენ, ამ მძიმე დღეებს გადავიტანთ ერთმანეთის თანადგომით და სიყვარულით.

ცინიკოსებო... უხილავი, სულერთია დათუნიებო... ახლა თქვენ ყველაზე მეტად უნდა აიყვანოთ თავი ხელში...

შემოგვიერთდით. „**პაღრამი ჩვენი ცხოვრებანიდან — კორონა ვირუსის შამს**“

დღეს უჩვეულო სიტუაციაა სამყაროში, არა, სამყაროს არ უჭირს, წელიწადის დრო ციური ეტლის შესაბამისად რბის...

გვიჭირს ჩვენ, ადამიანებს.

ფრთხილად, მაგრამ მაინც მიგვანიშნა უფალმა, საკუთარ შეცდომებზე.

დახს, ფრთხილად, უფლის ძალა

პასუხისმგებლობის მაღალი ხარისხით

იმ დღიდან, რაც ავტომობილების ტექნიკური დათვალიერება და ინსპექცია, თერჯოლის ტექნიკური დათვალიერების სადგური შპს „ტრანსიმერი“ სრული დატვირთვით მუშაობს. აქ არა მარტო თერჯოლის მძღოლები და ავტომობილები მოდიან, არამედ მეზობელი რაიონებიდანაც. შეფასების კრიტერიუმები მაღალია, მომსახურე პერსონალი სრულად ითხოვს დადგენილი ნორმების შესრულებას, გამორიცხულია რაიმე შეღავათი, რადგან მათ კარგად იციან, რომ წაყრუების ან თვალის დახუჭვის უკან ადამიანური საფრთხე დგას და კიდევ—მაღ-



ლი კომპიუტერული კონტროლი.

დიახ, ეს კარგად აქვთ გააზრებული სერვისცენტრის მესვეურთ. დამფუძნებლები: ვახტანგ ძონინიძე, გიორგი ფართლაძე და არჩილ ბარათაშვილი, სპეციალისტები იმედა ჩუბინიძე, მირიან ლილუაშვილი, გიორგი ფორჩხიძე.

თუ რა კრიტერიუმებს უნდა აკმაყოფილებდეს ავტომობილი, ამის შესახებ, ჩვენი გაზეთი, გასული წლის 4 თებერვლის ნომერში წერდა, ახლა კი გვინდა, მძღოლებს შევახსენოთ, თუ რა უნდა გააკეთონ, ვიდრე მანქანას ტექნიკური დათვალიერების სადგურში მიიყვანენ: ავტომობილი უნდა იყოს გარეცხილი, არ უნდა ჟონავდეს ზეთი, წესრიგში იყოს წინა და უკანა შუქფარები, საქარე მინა იმგვარი, რომ მძღოლს მხედველობას არ უნდა უშლიდეს (დაუზიანებელი), ერთ ლერძზე თანაბარი პროტექტორების მქონე საბურავები, გამოხაზული მავნე შემცველობა უნდა შეესაბამებოდეს დაშვებულ ნორმებს, ყველა ქანჩი და ჭანჭიკი ბოლომდე დაჭერილი და ა.შ. გვინდა ხაზი გაუსვათ იმ პასუხისმგებლობას, რომელსაც „ტრანსიმერის“ თითოეული თანამშრომელი გრძნობს. როგორც უკვე ვიუწყებოდით, სამუშაო საათები იწყება დილის 8 საათიდან და გრძელდება გვიან საღამომდე.

სამუშაო შრომატევადი და დამქანცველია, მაგრამ საპატიო და საპასუხისმგებლო. როგორც ექიმი ზრუნავს პაციენტის ჯანმრთელობაზე, ასე „ტრანსიმერის“ ბიჭები ზრუნავენ იმაზე, რომ არ გამოეპაროთ რაიმე მნიშვნელოვანი ხარვეზი, რათა მათ მიერ დათვალიერებულმა მანქანამ უსაფრთხოდ ატაროს ავტომობილები, ხოლო სრული უსაფრთხოება კი მაინც მოძრაობის წესების დაცვაზეა დამოკიდებული.

მძღოლებო! გისურვებთ უსაფრთხოდ გველოთ საქართველოს გაზაჭკეცილებზე.

ხელმარჯვე და კეთილშობილი

რამდენი კარგი კაცი დააბიჯებს ამ მაღლიან მიწაზე, რამდენი ისეთი, მასთან შეხვედრა რომ გსიამოვნებს და გახარებს, რამდენი გვხიბლავს თავისი ინდივიდუალობით, ხასიათით, ფიზიკური თუ პიროვნული თვისებებით, რამდენია მისაბაძი თავისი საქმიანობით. ასეთთა შორისაა ქალაქ თერჯოლის მკვიდრი დემურ ჩუბინიძე. ფიზიკურად სრულყოფილი, საქმიანობით გამორჩეული და ხელმარჯვე, ყველაფერი რომ გამოდის ხელიდან. ძირითადად კაფელის დაგების ოსტატია, მაგრამ ბრწყინვალედ იცის წყალგაყვანილობა, ელექტროობა, ლესვა, ლებვა, ელმუდულება და კიდევ ბევრი რამ, რაც კი შეიძლება კაცმა იცოდეს. მოვა, დაათვალიერებ შესასრულებელ სამუშაოს, ჩამოწერს მასალების რაოდენობას, თვითონვე წაგყვება მათ შესარჩევ-შესაძენად. დაინწყებს ელექტროობით, მერე წყალკანალით, შეუძლია რკინის თუ პლასტმასის მილებზე მუშაობა.



აქვს ყოველგვარი ხელსაწყო და სამარჯვე მოწყობილობა. მუშაობის პროცესში წყნარი და მშვიდია, უპრეტენზიო. ფასზე და შესასრულებელ სამუშაოთა ოდენობაზე წინასწარ გაგვირგებება, მაგრამ მერე გზადაგზა ახალი სამუშაოები იჩენს თავს, თუმცა, მასაც უპრობლემოდ ასრულებს. დამეთანხმებით, რომ ასეთ კაცთან ურთიერთობა ერთობ სასიამოვნოა. დაამთავრებს სამუშაოს და იმდენად კმაყოფილი რჩები, რომ მასთან დაახლოების სურვილი გიჩნდება. ასეთი მაღლიანი კაცი გინდა შენი ახლობელი და მეგობარი იყოს. დღემდე მარტოხელა მგელკაცი იყო, მარტო ასრულებდა ყოველგვარ სამუშაოს. ახლა თავისივე შვილი, თემური დაიყენა გვერდში და ერთად შეხმატებულულად ასრულებენ დაკვეთებს. გაიგეს რა მისი ხელმარჯვეობის და კაცურკაცობის შესახებ უამრავი დამკვეთი ჰყავთ, ძნელი მოსახელთებელი შეიქმნენ ორივე, მამაშვილი. თვეობით ელოდებიან ადამიანები, რომლებსაც მისი დაქირავება სურთ, თორემ დუნიაზე ხელოსნებს რა დალევს.

ჯანი და ღონე გვინდა ვუსურვოთ მაღლიან ადამიანებს, სხვისი ცხოვრების გალამაზება რომ გაუხდიათ ცხოვრების კრეოდ.

პალერინ თალაკვაძე

მადლიერება ორგანიზებული სწავლებისათვის

გულიანი ფანჩულიძე „თერჯოლის“ მკითხველებისათვის კარგად ცნობილი ქალბატონია, იგი წლების განმავლობაში უდიდესი პასუხისმგებლობით ასრულებდა მომავალი თაობის სწავლა-აღზრდის საქმეს, უყვარდა და უყვარს აღსაზრდელებს, კოლეგებს, თანასოფელებს, სრულიად თერჯოლის მუნიციპალიტეტის საზოგადოებას. ერთი სასწავლო წელია, ქალბატონი გულიანი პენსიაზე იმყოფება.

იგი დღემდე ჩვენი გაზეთის აქტიური მკითხველი, გამავრცელებელი, შემფასებელი და კორესპონდენტია. რამდენიმე თვის წინ, მხედველობის პრობლემები ჰქონდა. საბედნიეროდ, შვილებისა და მედიკოსების მცდელობა კარგი შედეგით დასრულდა. როგორც ჩვენთან სატელეფონო საუბრისას განაცხადა, ახლა ქალბატონი გულიანი, ნელ-ნელა წაიკითხავს „თერჯოლის“ მიმდინარე წლის დაგროვებულ, წაუკითხავ ნომრებს და ეს იქნება მისთვის დიდი სიამოვნება.

პენსიონერი პედაგოგი „თერჯოლასთან“ საუბარში მადლიერებას გამოხატავს თერჯოლის №1 საჯარო სკოლის დირექტორის ელისო მურადაშვილისა და მთელი პედაგოგიკური კოლექტივის მიმართ, განსაკუთრებით პედაგოგების მალვინა ზარნაძისა და მავნოლი კუპატაძის მიმართ...

ჩემი შვილიშვილები: მარიამ, გიორგი და მათე მუჯირები თერჯოლის №1 საჯარო სკოლის წარჩინებული მოსწავლეები არიან. სკოლამ პანდემიის პირობებში კარგად აუნყოფინა დისტანციური სწავლების რეჟიმს. კლასის ხელმძღვანელები ყველაფერს აკეთებდნენ, რომ მოსწავლეებს მიეღოთ მითითებები, დავალებები და ყველაფერი გაეკეთებინათ რეკომენდაციების შესაბამისად. სამივე ჩემმა შვილიშვილმა წარმატებით დაასრულა სასწავლო წელი, გარკვეული ცოდნა და გამოცდილება მიიღო, რისთვისაც მინდა გულწრფელი მადლობა გადავუხადო თითოეულ მათგანს. ვუსურვებ წარმატებებს პროფესიულ საქმიანობასა და პირად ცხოვრებაში...

ვისურვებდი, რომ ასეთი საგანგებო მდგომარეობები აღარ განმეორდეს და ბავშვები ახალი სასწავლო წლიდან დაუბრუნდნენ საკლასო ოთახებს, ჩვეულ ტრადიციულ რეჟიმში გააგრძელონ მუშაობა, თუმცა, სკოლას უკვე საკმაოდ გამოცდილება აქვს, როგორ იმუშაოს შინ დარჩენილ ბავშვებთან.

გულიანას სურვილია, საქართველოში და თერჯოლაშიც სასწავლო პროცესი შეუფერხებლად და წარმატებულად მიმდინარეობდეს და ქვეყანას მეტი განათლებული და ზნეკეთილი თაობა ეზრდებოდეს...



გულიანას სურვილია, საქართველოში და თერჯოლაშიც სასწავლო პროცესი შეუფერხებლად და წარმატებულად მიმდინარეობდეს და ქვეყანას მეტი განათლებული და ზნეკეთილი თაობა ეზრდებოდეს...

მზია ცჰიფურიშვილი

მკითხველი რედაქციაში სამშობლოსა და ღვთის სიყვარულით

გაზეთს აქვს მიზიდულობის ძალა, რომლითაც მკითხველს თავისკენ ახედებს და შესაძლებლობას უქმნის გამაზრდებლად მოსაზრებები, შეხედულებები, დამოკიდებულებები და ა.შ.

გაზეთის რედაქცია საზოგადოებრივი აზრის უპირველესი თავმჯდომარეა. ეს არის მისი მოვალეობაც და არსებობის ხიბლიც.

ამ მცირე შესავლის დასტურად წარმოგიდგინებ ჩვენი საზოგადოების ერთი გამორჩეული წევრის შორენა ბოჭორიშვილის გულწრფელ მონათხრობს ადამიანზე, რომელიც თავისი სასულიერო მოღვაწეობით, მოქალაქეობრივი პოზიციით, ადამიანური ხიბლით იმსახურებს და კიდევაც არის აღიარებისა და კეთილი სიტყვის ღირსი.

„სამშობლოსა და ღვთის სიყვარულით“—ავტორს ასე დაუსათაურებია მამა სპირიდონის მიმართ დიდი ადამიანური სიყვარულითა და პატივისცემით მიძღვნილი სტრიქონები:

„ზოგჯერ ჯადოსნური სიტყვაც ვერ გადმოგვცემს სრულად ღირსეული ადამიანის ღვაწლს. ასეთი ხარო თქვენ, გვხიბლავს თქვენი თავმდაბლობა, მშვიდი ბუნება, აზროვნების სიღრმე, ლოგიკური განსჯა, ღვთისმოსაობა, გულდინჯი მრჩველობა და კეთილი ღიმილი. ეს ყველაფერი თქვენი შინაგანი სათნოებისა და სიკეთის ანარეკლია.

მრევლი ალაღად განდობთ თავის შინაგან სულიერ ტკივილსაც, სიხარულსაც...

საკვირველია, როგორ იტევთ ამდენ სიყვარულს.


მამა სპირიდონ, თქვენ ბრძანდებით ღვთის კაცი, ჭეშმარიტი მამულიშვილი. თქვენი სული სანთელივით იწვის მამულისათვის, ვაჟკაცურად, მხნედ ეზიდებით ძვირფას ტვირთს, რომელსაც ღმერთთან ადამიანის დაახლოება ჰქვია...

დიახ, მოყვასისა და სამშობლოს სიყვარულით მიემართება თქვენი ჭეშმარიტი გზასავალი ზენაარისკენ, „წყალობაი შენი, უფალო, თანამავალ მეყვენ მე ყოველთა დღეთა ცხოვრებისა ჩემისათა, დამკვიდრებად ჩემდა სახლსა უფლისასა განგრძობასა დღეთასა“.

მამა სპირიდონ: თქვენ სალოცავად გაქვთ ცა

რედაქციისათვის: ქალბატონი შორენა ბოჭორიშვილი ჩვენი გაზეთის აქტიური მკითხველი გახლავთ. ის ჯანსაღი თვალთ უცქერს საზოგადოების ყოველდღიურ ცხოვრებასა და მოღვაწეობას საქმიანობას. პირველად არ გამოხატავს თავის დამოკიდებულებას ამა თუ იმ აქტუალური თემის მიმართ. ჯანსაღი თვალთ ხედავს და დამაჯერებლად მოგვითხრობს ჩვენი ყოველდღიურობის თანმდევ პროცესებზე.

რედაქცია მადლობას უხდის მას, მიესალმება თავის აქტიურ მკითხველ-კორესპონდენტებს. მოვუწოდებთ მათ, მეტი და მეტი მოგვწერონ სადღესიო თემებზე. გაგვიზიარონ მოსაზრებები—„ვიტა ვქნათ“ და როგორ დაგუდგეთ დღევანდელ გამოწვევებს.



და მინა, და საოცნებოდ, საქართველო თქვენი ფიქრია, თქვენი ნათელი ღვთიური ძალა სიკეთისა და სიბრძნის ხილია.

თქვენი მრევლის სახელით, შორენა ბოჭორიშვილი“.

ნუთიერმა გართობამ შეიძლება მთელი დღის ფიზიკური შრომა შეგიმსუბუქოთ (სცადეთ!)

— ჩვენი მეზობელი ზესტაფონელე-ბი სამართლიანად ამაცობენ თავიანთი ფეროშენადნობთა ქარხნით. მათივე საკუთრებაა პოპულარული შორისდებულები, რომელიც თქვენ უნდა გამოიცნოთ.

— სამართლიანად ამაცობენ თავიანთი ქვანახშირის მომპოვებელი შახტებით კარის მეზობელი ტყიბულელებიც. ისინი რას იცნობენ უკეთ ვიდრე სხვა რაიონების მკვიდრნი? (დაასახელებეთ).

— აჭარლებსა და რაჭველებს აქვთ ერთი საერთო რამ, რაც აგრე რიგ აუცილებელია და არა მხოლოდ მათთვის (ახსენით, რასთან გვაქვს საქმე).

— დაასახელებთ ქ. ქუთაისის ჯერჯერობით განუხორციელებელი საუკუნის პროექტი.

— ქუთათურებს და არა მხოლოდ მათ, ალბათ გაუკვირდებათ, რომ სამიერეთის ცენტრს დავით აღმაშენებლის ქალაქი სულაც არ წარმოადგენს (უპასუხეთ).

— თერჯოლის მუნიციპალიტეტის ერთ-ერთი სოფლის სახელს მოაცივლეთ პირველი ორი ასო და მიიღებთ საქართველოს ერთ-ერთი ქალაქის სახელწოდებას.

თბილი-სი
ქუთაი-სი
ბოლნისი
მანგლი-სი
დმანი-სი...
დაასახელებთ ორი კურორტი საქართველოში—მათგან ერთი იწყება სი-ნა-ნილაკით, ხოლო მეორე მთავრდება სი-ნა-ნილაკით.

თუ დახატავთ ერთ-ერთ შინაურ ცხოველს და მას წინ დაუსვამთ ქართული ანბანის ერთ-ერთ ასოს—მიიღებთ ჩვენი რაიონის ერთ-ერთი სოფლის სახელწოდებას (შეეცადეთ).

პასუხებს მომდევნო ნომერში იხილავთ.

ცოტ-ცოტა ყველაფერზე

ბევრს შეიძლება „ასი გრამი“ ერჩივნოს, მაგრამ მედიცინა დაჟინებით გვიჩვენებს—დილით, ადგომისთანავე თუ ორი არა, ერთი ჩაის ჭიქა წყალი მაინც დავლიოთ.

მედიდური ადამიანები ზემოდან დასცქერენ... ნივნებს.

მამარდაშვილი მოკლეს ფიქრებმა და იმ ადამიანებმა, რომლებიც... არ ფიქრობდნენ...

ადამიანის ბედი—თავი რომ მოიკლას სიკეთის კეთებით, მაინც გამოუძებნიან ვასაკილავს.

ესტრადიდან ზოგჯერ ისეთ იუმორს ვეთავაზობენ, სიცილით „ვკვდებით“.

ჩვენ ვისვენებთ, რათა დავილალოთ და პირიქით.

სიკვდილის ლანდი—მარადიული დარდი!

როგორ ვიყო მშვიდად, თუ სამშობლოს მინას მეცილებიან?

სიფრთხილე მეტად გემართებს მაშინ, როცა ტკბილად გვესაუბრებიან.

ზარმაც კაცს კლავს შიმშილი და მტქნარება.

მკვებარა ერთ სიკეთეს მაინც სჩადის—უსმინე და იციხე.

მდიდრის არ შეგშურდეს. მან ხომ არ იცის მშვიდი ძილის ფასი.

სირცხვილია უსირცხვილობა.

სიკვდილს ნუ ვანყენებთ, ჩვენ ხომ მუდამ მასთან ყოფნა მოგვინებს...

უბედურის ბედი მინიატურა

ადრეული ბავშვობის წლებიდან მახსოვრობას შემორჩა მისი სახე. ღრმა, სევდიანი ცისფერი თვალები ჰქონდა. ეს თვალები ყოველთვის რალაცას ითხოვდნენ... ენა ებმოდა, მაგრამ ადვილი მისახვედრი იყო მისი ნუხილი. ტანსაცმელჩამოძენილი, ფეხშიშველა ხანგამოშვებით ჩვენს ეზოშიც გამოჩნდებოდა. დადგებოდა ჭიშკართან და ელოდა, როდის გააკითხავდნენ მჭადით და ყველით; ზოგჯერ ნახშირის ტანსაცმელ-ფეხსაცმელითაც... სევდიან მზერას დაგვიტოვებდა... ეგ იყო მისი სამადლობელი. გულს მტკენდა ჯერ მინას არაცდენილი ბასასხები უშვერი სიტყვების ძახილით რომ ამდევნებოდნენ საცოდავ უთვისტომოს.

მერე გაუჩინარდა. წლებმა წაშალეს მისი სახე...
ამას წინათ, სოფლის სასაფლაოზე, თვალი უნებლიედ მოხვდა ჟამთაგან ხავსმოდებულ სვეტს, რომელზეც ახალი „მეპატრონის“ სახელი „ფაქიზო“ ამოეკვეთათ მოოქროვილი ასოებით.

კეთილ ადამიანებს ოცნებას, შეძლებული მიცვალებულის გაუქმებულ ძვალთშესალაგში ღარიბი თანასოფელი ჩაესვენებინათ...
სევდიანმა იუმორმა გული უზომოდ გამითბო.

სად, რა კომენტარები კეთდებოდა კორონას თემაზე

თელავი—ე, მაგ კორონასა ვერევე გადაუუკეტვეთ გზაი გომბორზედა, გურჯაანის მხრისკენ გადავრეკეთ ბოლომდინა...

ტყიბული—ერთი გაუქმებული შახტა გვექონდა ნიკოლოზისდროინდელი—შევიტყუეთ შითე და მიუკეტეთ კარი.

ის იყო და ის, მისი წკლუმი აღარ გაგვიგონია.

ზესტაფონი—ერთი ჩოვუნთეთ ფერი და რო ჩამონვა შავი ღრუბელი—ისინი კი დეერეკენ აქიდან, ხუთ წუთში ე იქ იყვნენ, ეე, ნიფას გაცილებული...

თერჯოლა—სიმართლე რო ვთქვით მაინცდამაინც არ შევუნუხებოვართ. ვითომ, ხაუჩაპირებზე დაუკრავთ თვალი, მარა, ისე რო ვინმესთვის რაიმე შეურაცხყოფა მიეყენებინოთ, ცოდვას ნამდვილად ვერ ვიტყვით.

ქუთაისი—ეს კორონიე თუ ისე პატარა იყო მიკროსკოპშიც არ ჩანდა, ეცლიათ, სიმონ, პატარა წამოიჩინებოდა და მერე წაგვევლო ყელში ხელი...

ხარაგაული—ჯერ სად ვართ, კორონა მერე უნდა ვნახოთ ჩვენ, გვირაბი რო გეიხსნება.

- წინ ნომერში გამოქვეყნებული კროსვორდის პასუხები: 1. ბუნება. 2. მამულაშვილი (მიხეილი). 3. ზარნაძე (ნიკოლოზი). 4. ლალიძე (რეზო). 5. ბრაკონიერი. 6. ვაჟა-ფშაველა. 7. მუხნარი. 8. ბორჯომი. 9. ჯაფარიძე (ალიოშა). 10. ძელქვა. 11. ნაკრძალი. 12. ნონისი. 13. მერქანი. 14. ბულბული. 15. შევარდნაძე (ზურიკელა). 16. ჭალა. 17. საირმე. 18. არაგვი.

ზურაბ არაბიძე—ჯარისკაცის ვალდებულება

დიახ, ვალდებულება. არ ვამბობთ, რომ გარდაიცვალა. გვენანება ამისთვის... ფიზიკურად ძლიერი გახლდათ. წარმოსადგევი. უშუალო და კეთილმოსურნე. საქმეების საკეთებლად იყო მონოდებული. ჯარისკაცული ჟინი ხელს უწყობდა, ყოფილიყო წარმატებული...

თავიდან კი... ასე იყო: სოფ. რუფოთში დაიბადა არაბიძეების მშრომელ ოჯახში 1962 წლის 29 მაისს. საშუალო განათლება იმავე სოფელში მიიღო. შემდეგი ოფიციალური დოკუმენტები იუნეებიან, რომ ქუთაისის პოლიტექნიკურ ინსტიტუტში ჯერ ინჟინერ-მექანიკოსის სპეციალობა (1982 წ), ხოლო შემდეგ (1988) სამართლისა და ეკონომიკური უნივერსიტეტის იურიდიული ფაკულტეტიც დაუმთავრებია სამართალმცოდნის სპეციალობით.

ბატონი ზურაბის საზოგადოებრივი შრომითი საქმიანობა უმეტესწილად ხიფათით სავსე, თეთრად გათენებულ ღამებთან ასოცირდება. ეს იყო საზოგადოებრივი წესრიგისა და საქართველოს სახელმწიფოებრივი სიმტკიცის უზრუნველყოფა.

ბუნების ხილზე გადიოდა მისთვის ყოველი დღისა თუ ღამის გადასახედი და გზასავალი: 1994-1995 წლებში: ქ. ქუთაისის შსს ცენტრალური აპარატი;

1995-1996 „საფინჩიის“ პოლიციის განყოფილების უფროსი;

1996-2005 თერჯოლის შს რაიგანყოფილება, საგზაო პოლიციის უფროსი, ადმინისტრაციული პოლიციის უფროსი, უბნის ინსპექტორთა სამსახურის უფროსი, 2006 წლის თებერვალი, 2010 წლის იანვარი—გერმანია, კერძო ბიზნესი. 2010-2012 „ჯი-პი-სი“ სააფთიაქო ქსელი—დაცვის უფროსი, 2012-2015 „სოკარ-ჯორჯია-ვეტროლიუმ-უსაფრთხოების ინსტრუქტორი—ქ. ტყიბული.

ცალკე აღნიშვნის ღირსია ომის თემა. საქართველოს მთლიანობისათვის საომარი ოპერაციები... ცეცხლის ხაზი. მძიმე ჭრილობები... მაიორის ჩინის მიღება; ომისა და სამხედრო ძალების ვეტერანის ნოდება, სხვა საბრძოლო-სახელმწიფო ჯილდოები...

ახლა ეს ყველაფერი ქალაქზე ადვილად იწერება, ასე ვთქვათ—რომანტიკული შეფერილობით... იქ კი, სხვაგვარად იყო... სიკვდილ-სიცოცხლის ჭიდილში მოწმდებოდა ჩვენი გვარისა და ჯილაგის გამძლეობა, სამშობლოს სიყვარული...

რა თქმა უნდა, მამაც მებრძოლს ზურგს უმაგრებდნენ მოსიყვარულე დედა, ქალბატონი ნანი სოფრომაძე-არაბიძისა და მეუღლე ქალბატონი შორენა მახათაძე (პროფესიით ეკონომისტი—სახელმწიფო უნივერსიტეტის ნითელდიპლომოსანი, მსახურობდა ერთ-ერთ საბანკო დანესეხულეებაში, მაგრამ შექმნილი ვითარების გამო, ოჯახთან (ხანდაზმული დედამთილი, შვილები) ყოფნა უფრო უპრიანი გახდა მისთვის.

მძიმე დრო იყო... საქართველოს მამაცი კაცები ომობდნენ თავიანთი ქვეყნის ღირსების დასაცავად. თერჯოლას, საქართველოს ეამყებიან ისინი. მათ სრულად გაიღეს ის, რისი გაღებაც ევალდებოდათ. გამადლობთ, ზურაბ, რომ შენ მათ შორის იყავი; რომ კაცურად დაიხარჯე; რომ ოჯახს ვალდებულება და პირნათელი დაუბრუნდი. თუმცა, ნატყვიარი და ნაჭრილობევი, მაინც გაუტყველი, მხნე და შემართული რჩებოდი.

გვეჯერა შენი ლაშა-გიორგი (განმარტება მკითხველს: ლაშა გორის უმაღლესი სამხედრო სასწავლებლის პირველი კურსის სტუდენტია, ხოლო გიორგი—თერჯოლის მეორე საჯარო სკოლის დამამთავრებელი, მე-12



კლასის მოსწავლე) მზრუნველ დედასთან ერთად ყველაფერს გააკეთებენ, რათა შენი სახელი მომავალი თაობებისთვის დარჩეს ბრძოლისა და შრომის, საქართველოს სიკეთისათვის ნათელ გზამკვლევა.

ცალკე თემაა ზურაბ არაბიძის საზოგადოებრივი მოღვაწეობის ბოლო მონაკვეთი მშობლიურ რაიონში. ორი წელი არცკი, ამ ხნის განმავლობაში მან შეძლო საზოგადოების ყურადღების მიპყრობა როგორც საქმიანმა, უნარიანმა მოღვაწემ.

საეზიბო ბარათზე, რომელიც გულითათვის დასტურად ვაღმომცა, წერია: საქართველოს ომისა და სამხედრო ძალების ვეტერანთა ცენტრალური კავშირი ზურაბ არაბიძე

ა(ა)იბ თერჯოლის მუნიციპალიტეტის ვეტერანთა ცენტრალური კავშირის თავმჯდომარე თერჯოლის რაიონში.

სამწუხაროდ, 2020 წლის 3 მარტი მისი ბიოგრაფიის ბოლო სტრიქონია.

ამ რელიკვიას სამუშაო მაგიდის უჯრაში ვინახავ, როგორც საქართველოსა და ულატობის სიმბოლოს. ზურაბმა ადგილობრივ სახელისუფლებო უწყებებთან ჩართულობით საქმიანი კონტაქტებით, მაჟორიტარი დეპუტატის, ბატონი ელგუჯა გოცირიძის მორალური და ფინანსური დახმარებით შეძლო რიგი ვეტერანების ყოფისა და ცხოვრების გაუმჯობესება.

თერჯოლას ახსოვს ის ალტკინება, როცა სიმონეთელი ყოფილი ჯარისკაცი—ავლანეთის, სამაჩაბლოსა და აფხაზეთის ომების, ასევე ერაყის სამშვიდობო მისიის ვეტერანის—ზურაბ ცერცვაძისა და მისი მცირეწლოვანი ვაჟის, ზიზის, დასახმარებლად მთელი რაიონი რომ შეიკრიბა...

ეს საქველმოქმედო დღე იყო, რომელიც თერჯოლა-ტყიბულის მაჟორიტარი დეპუტატის ბიუროს ორგანიზებით: მუნიციპალიტეტის საკრებულოს, მერიისა და ა(ა)იბ ვეტერანთა ცენტრალური კავშირის მეშვეობით გაიმართა.

ასე იყო. დროის მცირე მონაკვეთში ზურაბ არაბიძის მონაწილეობით მოხერხდა არაერთი და ორი შთამბეჭდავი ღონისძიების ჩატარება.

ზურაბ არაბიძე სულ ძიებაში იყო. იქნებ... გულიც ატკინა ვინმემ, მაგრამ მისებრ მაგარი კაცები წვრილმანებზე არ ლაპარაკობენ...

გმადლობთ, ზურაბ რომ იყავი... სანთელ-საკმეველმა ვინათოს მარადუამს. შენი სულის ხსენებისა იყოს.

ამ სტრიქონებს შენი ძმადნაფიცი ვეტერანების სახელითა და კარნახით გინერ

ნუგზარ გამყრალიძე, ომისა და სამხედრო ძალების ვეტერანი



წლეკანდელი ტურისტული სეზონი თერჯოლაში გერმანელმა მოგზაურებმა გახსნეს

ახალი კორონავირუსის (Covid-19) პანდემიამ პირველი და უმძიმესი დარტყმა ტურიზმს მიაყენა. ამ ინფექციური დაავადების გამო, რომლის ბუნება და ქცევები სრულად ჯერ კიდევ არაა შესწავლილი. მსოფლიოს წამყვან ფარმაკოლოგიური მიმართულებების სამეცნიერო დაწესებულებებს, ლაბორატორიებს თუ მწარმოებლებს კი ასევე ჯერჯერობით არ მიუღიათ ამ დაავადების განსაკუთრებული სამკურნალო საშუალება და მისი თავიდან აცილება-პრევენციისათვის საჭირო ვაქცინა. მთელ დედამიწაზე—პრაქტიკულად ყველა ქვეყანაში დაიხურა ტურიზმი, ჩაიკეტა საზღვრები, შეწყდა საჰაერო, საზღვაო თუ სახმელეთო ტრანსპორტით მოქალაქეთა გადაყვანები. პანდემიით გამოწვეული საერთო ზარალი უკვე ორ ათეულტრილიონ დოლარს ითვისებს და ამ ზარალში მნიშვნელოვანი წილი უკავია საბიუჯეტო შემოსავლებს ტურიზმიდან. პანდემიის გამო სხვა ქვეყნებთან ერთად მყისიერად ჩავარდა კრიზისულ სიტუაციაში საქართველოს ტურისტული ინდუსტრია. დაიკეტა ასეულობით დიდი, მცირე თუ ოჯახური სასტუმრო, ბარ-რესტორანი, კაფე თუ კვების სხვა ობიექტი, გაჩერდა მათი მომსახურე სატრანსპორტო საშუალებები. შედეგად, უმუშევარი დარჩა ათასობით ადამიანი, ტურიზმიდან შემოსავლების გარეშე კი სახელმწიფო ხაზინა.



საკრებულოში რუფოთელთა დეპუტატმა თერჯოლელ ექიმებთან ერთად ყველაფერი იღონა ავადმყოფის დასახმარებლად, შემდეგ კი მათი მეგობრების დასაბინავებლად და ისინი საკუთარ სახლში მიიპატიჟა. საავადმყოფოდან გამოსვლის შემდეგ მერაბ ლიბრაძის სტუმარი უკვე სამივე გახდა.

ქართველი ეპიდემიოლოგების, საქართველოს მთავრობის და საკუთრივ მოსახლეობის პასუხისმგებლური მოქმედებით და შესაბამისი პრევენციული ღონისძიებების გატარებით, შეიძლება ითქვას, რომ საქართველო ღირსეულად გაუმკლავდა კაცობრიობაზე ახალი კორონავირუსის სასიკვდილო შემოტევას. 1 ივლისისათვის ჩვენს ქვეყანაში სულ დაფიქსირდა ამ ვირუსით მოქალაქეთა დაინფიცირების 926 შემთხვევა, აქედან სრულად გამოჯანმრთელდა 791. გარდაიცვალა მხოლოდ

ივნისის თვეში, ასეთ ფონზე, გაიხსნას ტურისტული სეზონი საქართველოში, რასაც როგორც წესი თან ახლდა სავალდებულო დათქმები საქართველოს მთავრობიდან და ჯანდაცვის სამინისტროდან, შესაბამისი გაიდლაინებით დაწესებული გარკვეული პრევენციული ხასიათის აკრძალვები, რომლებიც აუცილებლად უნდა გაითვალისწინონ როგორც ტურისტული ბიზნესის ინდუსტრიაში დაკავებულმა მოქალაქეებმა, ისე თავად ტურისტებმა.

ჯერ კიდევ ძნელია, გააკეთო პროგნოზი თუ როგორი გამოვლინებისას, საქართველოში კორონავირუსის გამო ჩაკეტილ საზღვრებში აღმოჩნდნენ და არც ნანობენ, თითქმის მთელი საქართველო მოინახულეს და აღფრთოვანებულს ვერ მალავენ ქართველ ხალხზე, ბუნებაზე და სტუმართმასპინძლობაზე. თერჯოლის მუნიციპალიტეტში მათი მასპინძლობა თერჯოლის საკრებულოს წევრის, მერაბ ლიბრაძის დამსახურებაა და ის ამჟამად მათი მასპინძელია, ხოლო ტურისტულ მოგზაურობებს თერჯოლის ტურიზმის განყოფილება უზრუნველყოფს.



15. სტაციონარებში კი მკურნალობს 229. საერთო აღიარებით, ეს მაჩვენებლები ერთ-ერთი ყველაზე საუკეთესოა მთელს მსოფლიოში, მაგრამ რა თქმა უნდა, მაშინ როცა უკვე ერთი თვეა რაც მოიხსნა საგანგებო მდგომარეობა, გაუქმდა კომენდანტის საათი და დაჩქარებული ტემპით ხდება სხვადასხვა აკრძალვების მოხსნა ჩვენი ქვეყნის სოციალურ-ეკონომიკური ცხოვრების ყველა მიმართულებით, ასეთი შეფასებები ყურადღების მოდუნებას არ უნდა გვაძლევდეს, რადგან საშიშროება კორონავირუსის მეთრევის მეორე ტალღისა რეალურად არსებობს. მითუმეტეს, რომ ჩვენს მეზობელ ყველა ქვეყანაში ამ მხრივ ჯერ კიდევ უმძიმესი სურათია.

ვა ეს სეზონი, რადგან როგორც უკვე აღვნიშნეთ ქართული ტურისტული ინდუსტრიის ძირითადი მკვებავი წყაროს ქვეყნებში. —თურქეთში, სომხეთში, აზერბაიჯანში, რუსეთში, უკრაინაში, ირანში, შუა აზიის თუ აღმოსავლეთ ევროპის ზოგიერთ ქვეყანაში ჯერ კიდევ მძიმე მდგომარეობაა და მათთან მიმოსვლა დღემდე არ აღმდგარა. სწორედ ასეთი რთული გლობალური მდგომარეობის ფონზე გამოჩნდნენ თერჯოლაში ახალი ტურისტული სეზონის პირველი უცხოელი მოგზაურები, იალა, ტაცე და ტლატი—ასე ჰქვიათ გერმანელ ახალგაზრდა სტუდენტებს, რომლებიც მსოფლიოს სხვადასხვა ქვეყნებში დაგვემილი მოგზაუ-

ბატონი მერაბი ამ ახალგაზრდებს შემთხვევით შეხვდა. მათგან ერთ-ერთმა, ამბროლაურში მოგზაურობისას, თავის ტრამვა მიიღო. აუცილებელი გახდა შესაბამისი გამოკვლევა—თავის ქალის სკანირება, რისი ტექნიკური საშუალება ამბროლაურელ მედიკოსებს არ ჰქონდათ და უცხოელი პაციენტი თერჯოლაში, კერძოდ კი კლინიკა „თერჯოლაშვილი“ გადმოიყვანეს. სწორედ ამ კლინიკის წინ, ტრამვირებული ტურისტის მეგობრების გერმანულ ენაზე საუბარმა დააკავშირა მერაბ ლიბრაძე მათთან. თავად მერაბ ლიბრაძე ერთ პერიოდში 7 წლის განმავლობაში ცხოვრობდა გერმანიის ქალაქ შტუტგარდში და გერმანულ ენასაც კარგად ფლობს.

მერაბ ლიბრაძე: „ჩემი გერმანელები საუცხოო ახალგაზრდები არიან, წარმოსობით გერმანიის ჩრდილოეთ მხრიდან გახლავან, კუნძულ რიუგენზე ცხოვრობენ. ორი მათგანი სამართალს ეუფლება თავის სამშობლოში, ერთი კი არქიტექტურას. გერმანიაში საკმაო ხანს ვცხოვრობდი და კარგად ვიცნობ მათ. ხანდახან მიკვირს კიდევ რომ ჩემი სტუმრები აშკარად არ არიან სტანდარტული გერმანელის ქცევების ჩარჩოებში. მხედველობაში მაქვს მათი საოცარი გახსნილობა, მხიარული ცხოვრების წესი და სხვა. მაგრამ იმასაც კარგად ვხედავ, როგორი მომთხონებიც არიან საკუთარი თავისადმი. მაგალი-

თად, არ არსებობს დღე, რომ თერჯოლის სხვადასხვა ტურისტულ ლოკაციაზე მოგზაურობასთან ერთად მათ ყოველდღე 3-4 საათი არ დაუთმონ მეცადინეობას, აგროვებენ სხვადასხვა მცენარეების ნიმუშებს, აკვირდებიან მათ. უკვე ბევრგან მოასწრეს გასვლა. კმაყოფილები არიან. ჩვენც კმაყოფილები ვართ, რომ

დ. შალიკაშვილი

<p>შპს „თერჯოლა“</p> <p>გამომცემელი ვალერიან ბობიაშვილი 599 92 49 75</p> <p>სარედაქციო კოლეგია</p> <p>რეგისტრაციის №53/5/ზ-22</p>	<p>მთავარი რედაქტორი დავით კლდიაშვილი 599 91 24 14</p> <p>გამოდის თვეში ორჯერ</p>	<p>კორესპოდენტები:</p> <p>ნ. გამყრელიძე—555 78 08 55 ი. მარუაშვილი—0(491) 22 15 16 ჟ. ცხადაძე—558 90 82 55 მ. ცქიფურიშვილი—555 28 11 41</p> <p>ელ-ფოსტა: gazetiterjola@mail.ru</p>	<p>აიწყო და დაკაბადონდა რედაქციის კომპიუტერულ ცენტრში</p> <p>მისამართი: თერჯოლა, კოსტავას ქუჩა №2 დაბეჭდა ქუთაისის შპს „ხომლი ენ“-ის სტამბაში ქუთაისი, ჭავჭავაძის გამზ. №33</p>	<p>ჩვენი რეკვიზიტები: „ლიბერთი ბანკი“ LBRTGE22, ანგარიში GE32LB0113133960124000 ს/კ 231948872</p>
--	---	---	---	---